

chaynes des ymages qui estoient en hault de la tour
tenoient atache ce pauvre captif. Le quel tousiours
brusloit et Jamais ne consumoit. Je veiz plus q̄ deux fēmes
dolentes apans visages plains de pleurs et tristes. Le
seruoient et ordoignoient. Luy mectant avec grant
cruaulte vne couronne dessus la teste plane de poin
ctes de fer qui sans nulle pitié Le trespasseroient Jus
ques au cerueau. Et apres Regarday que vne more
vestue de couleur Jaulne venoit souuent avec vne
guisarme Le voulant fapper. Et veiz quil receuoit les
coups avec vng escu qui subitement Luy yssoit de
la teste qui le couuroit Jusques au piedz. Veiz oultre
que quant Luy apportoint amenger trois seruiteurs
moult diligens sur vne nape noire Luy portoint
sa viande. Et avec grande crainte Luy donnoient
a menger. Et tournant mes yeulx a lun des costes
de la table veiz vng viel homme assiz en vne chaire
qui auoit sa teste appuyee sur vne de ses mains en
maniere dhōme souffieux et pensif. Et nulle de ses
choses ne eusse sceu veoir pour lobscurete de La tour
sans vne claire Resplendeur qui faillloit du cuer du
prisomier. Dont de ce Rendoit tresgrant claree le
quel quant me vit estornie de veoir chose de tel mys
tere Luy semblant quil estoit ou temps de me pouoir
paier avec sa parolle si peu quil nestoit debteur de ce q̄
pour Luy auoyz faict pour me donner aulcū soulage
ment et confort mectant Raisons discrectes avec
Larmes piteuses me commanca a dire en ceste ma
niere.

Le prisomier de clare les
choses dessusdiz.